

Psalmus responsorius

Ps 21, 8-9. 17-18a. 19-20. 23-24 (R̄: 2a)

R̄. Deus, Deus meus, quare me dereliquisti?

⁸ Omnes vidéntes me derisérunt me;
torquéntes lábia movérunt caput:

⁹ «Sperávit in Dómino: erípiat eum,
salvum fáciat eum, quóniam vult eum». R̄.

¹⁷ Quóniam circumdedérunt me canes multi,
concílium malignántium obsédit me.

Fodérunt manus meas et pedes meos,
^{18a} et dinumerávi ómnia ossa mea. R̄.

¹⁹ Divisérunt sibi vestiménta mea
et super vestem meam misérunt sortem.

²⁰ Tu autem, Dómine, ne elongáveris,
fortitúdo mea, ad adiuvándum me festína. R̄.

²³ Narrábo nomen tuum frátribus meis,
in médio ecclésiæ laudábo te.

²⁴ Qui timétis Dóminum, laudáte eum,
univérsum semen Iacob, glorificáte eum.
Métuat eum omne semen Israel. R̄.